

JABATAN PERKHIDMATAN VETERINAR MALAYSIA

LAPORAN LIPUTAN MEDIA

Sabtu, 18 Februari 2023

DISEDIAKAN OLEH :
UNIT KOMUNIKASI KORPORAT,
JABATAN PERKHIDMATAN VETERINAR MALAYSIA

Kerajaan kaji teruskan subsidi ayam, telur – Mat Sabu

MEDIA	RUANGAN	MUKA SURAT
SINAR	ONLINE	-

Kerajaan kaji teruskan subsidi ayam, telur - Mat Sabu



BAGAN DATUK - Kerajaan akan mengkaji keperluan untuk meneruskan

katanya kepada pemberita selepas merasmikan program Malaysia Madani: Perikanan Cukup dan Terjamin di Hutan Melintang di sini pada Sabtu.

Hadir sama, Exco Pembangunan Luar Bandar, Perladangan, Pertanian dan Industri Makanan Perak, Datuk Mohd Zolkafly Harun.

Berkaitan laporan telur import dari India busuk dan rosak, Mohamad memaklumkan bahawa Jabatan Perkhidmatan Veterinar (JPV) akan melakukan pemeriksaan segera.

1

"JPV akan buat pemeriksaan segera bagi memastikan telur yang dibekalkan berkualiti.

"Kita juga sedang berusaha meningkatkan bekalan telur gred biasa berbanding omega di pasaran tempatan," katanya.

Media melaporkan MAFS digesa memastikan telur yang diimport berada dalam keadaan baik agar tidak menjejaskan kesihatan pengguna.

Gabungan Persatuan-Persatuan Pengguna Malaysia (FOMCA) mencadangkan kementerian terbabit perlu memastikan telur berkenaan diperiksa terlebih dahulu bagi mengelakkan pengguna membeli telur yang sudah tamat tempoh.

Kerajaan sudah belanja RM1.8 bilion untuk subsidi penternak ayam penelur

MEDIA	RUANGAN	MUKA SURAT
BERITA HARIAN	ONLINE	-

Kerajaan sudah belanja RM1.8 bilion untuk subsidi penternak ayam penelur



Mohamad Sabu (dua dari kanan) menyampaikan Bantuan Input Sistem Penyampaian Khidmat Sokongan Akuakultur kepada wakil nelayan. NSTP/Muhamad Lokman Khairi

BAGAN DATUK: Kerajaan akan menilai semula pemberian subsidi kepada penternak ayam penelur pada Jun ini berikutan perbelanjaannya sudah mencecah RM1.8 bilion, setakat ini. Menteri Pertanian dan Keterjaminan Makanan, Datuk Seri Mohamad Sabu, berkata kajian itu akan dilakukan Jabatan Perkhidmatan Veterinar (JPV) bagi menilai sama ada subsidi perlu dilanjutkan atau diambil langkah lain. Katanya, subsidi berkenaan diberikan kepada golongan penternak supaya harga telur dapat diseimbangkan. "Perbelanjaan subsidi akan melebihi RM2 bilion menjelang Jun. Jika harga import makanan ternakan lebih baik, maka wang itu lebih baik disalurkan kepada hal lain yang lebih memerlukan," katanya kepada pemberita selepas merasmikan Program Malaysia Madani: Perikanan Cukup dan Terjamin di Persatuan Nelayan Hilir Perak, Hutan Melintang dekat sini, hari ini. Beliau mengulas mengenai usaha kerajaan bagi membantu golongan penternak menyelesaikan masalah kenaikan kos bahan makanan untuk ternakan yang mendorong kepada kekurangan pengeluaran telur ayam di pasaran tempatan. Ditanya mengenai gesaan Persatuan-Persatuan Pengguna Malaysia (FOMCA) bagi memeriksa telur import dari India, Mohamad berkata, pihak JPV sedang menjalankan pemeriksaan ke atas telur yang diimport bagi memastikan isu telur busuk dan rosak tidak berlaku. Terdahulu, Ahli Parlimen Kota Raja itu melawat kilang pembuatan makanan hasil laut QL Food Sdn Bhd dan jeti pendaratan ikan. Turut hadir, Pengerusi Jawatankuasa Pembangunan Luar Bandar, Perladangan, Pertanian dan Industri Makanan Perak, Datuk Mohd Zolkafly Harun dan Timbalan Ketua Pengarah Perikanan (Pengurusan) Jabatan Perikanan Malaysia, Wan Muhammad Aznan Abdullah. Mohamad juga menyampaikan bantuan Program Pembangunan Semula Projek Agromakanan (PPSPA) sebanyak RM265,661 kepada 28 penerima terkesan akibat bencana banjir hujung tahun lalu. Beliau turut mengagihkan peruntukan berjumlah RM2,515,000 kepada 3,320 penerima elaun nelayan darat melalui inisiatif Elaun Sara Hidup Nelayan Darat (ESHND) untuk memastikan keterjaminan makanan dalam sektor perikanan darat. Turut diagihkan adalah bantuan input peralatan akuakultur 2022 sebanyak RM2,875,150 kepada 490 penternak dan sebanyak RM210,000 bagi Bantuan Insentif Peningkatan Kemudahan Biosekuriti Perikanan. Peruntukan sebanyak RM174,520 di bawah program MAFS PRIHATIN turut diagihkan bagi menghargai sumbangan Ketua Jaringan Perikanan (KJP) sepanjang penggal 2021-2023.

MEDIA	RUANGAN	MUKA SURAT
BERITA HARIAN	NASIONAL	17

‘Pastikan telur import tak rosak’

Kuala Lumpur: Kementerian Pertanian dan Keterjaminan Makanan (MAFS) digesa sentiasa memastikan telur ayam yang diimport dari India tidak rosak dan busuk, sekali gus mendatangkan masalah kepada pengguna.

Timbalan Setiausaha Agung Gabungan Persatuan-Persatuan Pengguna Malaysia (FOMCA), Nur Asyikin Aminuddin, berkata telur yang tidak elok dibimbangi boleh menjejaskan kesihatan.

Katanya, kementerian itu perlu memastikan telur yang diimport itu diperiksa sewajarnya agar berkualiti dan tidak tamat tempoh.

“Pengguna tidak dapat periksa telur yang dibeli masih elok atau sebaliknya dan hanya mengetahui apabila menggunakannya.

“Oleh itu, MAFS tidak boleh mengabaikan tahap kualiti setiap makanan dan perlu sentiasa pastikan tiada telur ayam yang busuk dan rosak berada di pasaran,” katanya kepada *BH*, semalam.

Nur Asyikin berkata, pengguna yang membeli telur ayam yang rosak dan busuk, boleh menuntut semula wang mereka daripada premis berkenaan berserta resit.

Illegal chicken slaughterhouse close by MBPJ

MEDIA	RUANGAN	MUKA SURAT
THE STAR	NEWS	2

Illegal chicken slaughterhouse closed by MBPJ



The unlicensed chicken slaughterhouse was shut down after it was found to be operating in unhygienic conditions.

By EDWARD RAJENDRA
edward@thestar.com.my

AN UNLICENSED chicken slaughterhouse in Section 51, Petaling Jaya Old Town in Selangor, was shut down for being environmental and health hazards.

Petaling Jaya City Council (MBPJ) Environmental Health assistant officer Davakumar Krisnan said the illegal operations carried out in unhygienic conditions could cause contamination as the slaughtered carcasses were placed on the floor.

"Our initial investigations showed that the slaughterhouse had been in operation for some time.

"It was found that the highly polluted water contaminated with blood was being discharged into the drain, leading to a foul stench.

"A chicken slaughterhouse would leave large quantities of by-products like entrails, feathers and blood that needed to be disposed of in a proper manner.

"Not doing so could cause diseases to spread," he added.

Davakumar said the slaughterhouse was shut down with immediate effect under

MBPJ's Food Establishment By-laws 2007 where a fine of RM1,000 was issued to the operator for operating without a licence and for health violations.

"Operations of the slaughterhouse was carried out in the wee hours of the morning and it took our team a week's surveillance to confirm the illegal activities.

"It was difficult to gather enough evidence before the raid as there were people 'guarding' the area," he said.


Davakumar added that as soon as his personnel had obtained sufficient evidence, the raid was conducted yesterday.

Two boiler machines, a chicken feather removal machine, weighing machines and five gas tanks were also seized.

At the time of the raid, five foreign male workers were working at the slaughterhouse.

Davakumar said the operations involved four personnel from MBPJ's Health Department and six from the Enforcement Department.

The slaughtered birds were being supplied to Pasar Besar Jalan Othman nearby as well as local restaurants in the vicinity.



MBPJ officers sealed the premises in PJ Old Town after monitoring the site for a week.

Pelanggan tidak mahu telur Omega

MEDIA	RUANGAN	MUKA SURAT
KOSMO	NEGARA	16



SEORANG pelanggan melihat telur omega yang lebih banyak berada di atas rak berbanding telur ayam biasa.

Pengurangan telur ayam sehingga 50 peratus

Pelanggan tidak mahu telur omega

Oleh NOOR HASLIZA NUSI

GEORGE TOWN - Tiada kawalan harga terhadap telur omega didakwa menyebabkan pembekal lebih suka menumpukan pengeluaran sumber protein itu berbanding telur ayam biasa gred A, B dan C.

Perkara itu meresahkan peniaga kerana rata-rata pelanggan lebih suka membeli telur ayam biasa berbanding telur premium dan telur ayam kampung.

Seorang pembekal telur ayam di daerah Barat Daya yang mahu dikenali Jenny, 47, berkata, dia terpaksa menjual telur ayam omega dan kampung berikutan menerima jumlah bekalan yang sedikit atau suku bagi Gred A, B,

dan C di peringkat peladang.

Dakwanya, pihak terbabit kini dikatakan hanya menumpukan penjualan telur omega dan kampung disebabkan tiada sebarang kawalan harga dan lebih menguntungkan.

"Dahulu, saya menerima lebih 1,000 papan telur ayam bagi semua gred seminggu, tetapi hari ini hanya menerima kira-kira 150 hingga 200 papan setiap dua kali seminggu.

"Peladang mempunyai alasan tersendiri." Kami pula yang tersepit kerana ramai pelanggan yang datang mencari telur ayam biasa daripada jenis omega dan kampung.

"Ada juga pelanggan terutama peniaga dan penjaja ke-

cil terpaksa beli telur premium (omega) dan ada juga yang sekadar datang bertanya," jelasnya.

Terdahulu, tinjauan Kosmo! di beberapa premis peruncitan termasuk pasar raya mini mendapati hanya telur ayam omega berada di atas rak.

Ketika ini, telur ayam omega dijual antara RM7.50 hingga RM8 setiap 10 biji, manakala telur ayam kampung pula dipasarkan pada harga 60 sen hingga 70 sen sebiji.

Sementara itu, seorang lagi pembekal yang juga mahu dikenali sebagai Ang, 45, memberitahu, berlaku pengurangan sehingga 50 peratus bagi telur ayam gred A, B dan C di pasaran ketika ini.

MEDIA	RUANGAN	MUKA SURAT
UTUSAN MALASIA	DALAM NEGERI	8

Birokrasi punca masalah bekalan makanan negara

Oleh MAISARAH SHEIKH RAHIM
maisarah.rahim@mediamula.com.my

PUTRAJAYA: Kerenah birokrasi yang tiada kesudahan dalam jabatan atau agensi kerajaan dilihat menjadi antara punca kepada masalah bekalan makanan di negara ini.

Malah ia juga mengakibatkan rakyat menjadi mangsa kepincangan sistem penyampaian kerajaan ekoran kegagalan pengurusan terutama dalam memudahkan pemberian bantuan kepada penerima manfaat.

Bercakap kepada *Utusan Malaysia*, agropreneur muda ternakan ruminan, Muhamad Abbas Gulam Manaver memohon campur tangan Menteri Pertanian dan Keterjaminan Makanan (MAFS), Datuk Seri Mohamad Sabu kerana mendakwa diperdaya Jabatan Perkhidmatan Veterinar (JPV) dengan menafikan kemudahan dan insentif yang disediakan kerajaan.

Lulusan sarjana muda dari universiti tempatan, Muhamad Abbas, 29, menceburkan diri dalam bidang ternakan lembu sejak Julai 2017 di kawasan seluas lapan hektar di Bidor, Perak.

Beliau hanya menerima ge-



Benih rumput import brachiria decumben dan brachiria humadicola tersimpan mereput dalam stor-stor JPV negeri-negeri. Berikanlah kepada penternak, bukan untuk disimpan."

**MUHAMAD ABBAS
GULAM MANAVER**

ran agropreneur muda bernilai RM20,000 daripada kementerian itu untuk membeli lembu pada 2019 bagi meneruskan usaha penternakan yang sebelum ini diusahakan bapanya sejak 1995.

Sedangkan, setiap penternak perlu dipastikan cukup rumput dan infrastruktur lain sebelum diberikan geran RM20,000 untuk membeli lembu di bawah Unit Agropreneur Muda.

Selain peruntukan itu, beliau tidak diberikan sebarang insentif lain kecuali khidmat nasihat biasa dan rawatan tahunan lazim yang wajib dilaksanakan JPV.

Kisah beliau pernah disiarkan *Utusan Malaysia* pada Mei tahun lalu mengenai duka lara bapanya, Gulam Manaver Mobarak Ali yang membentangkan pelbagai kesukaran dihadapi mengusahakan penternakan di kawasan sama dalam mesyuarat khas di Putrajaya pada 10 Jun 2008, dipengerusikan ketua setiausaha ketika itu, Datuk Dr. Zulkifli Idris.

Selepas itu terdapat mesyuarat lain diadakan bersama pada 2015 dengan JPV, kemudian pada Januari dan April 2022 iaitu hanya selepas 14 tahun daripada mesyuarat pada 2008 itu, Muhammad Abbas dijemput menghadiri mesyuarat dipengerusikan Ketua Pengarah JPV mengenai isu lembu ganti kepada bapanya.

Namun sekali lagi perkara itu masih tidak dimuktamadkan malah dimaklumkan pada mesyuarat berkenaan bahawa beliau tidak layak memperoleh bantuan benih rumput JPV atas alasan tidak menternak di padang ragut yang dikawal selia JPV.

"Mana pergi insentif kepada

pengeluar makanan? Duit banyak tapi tak sampai pada penternak.

"Benih rumput import brachiria decumben dan brachiria humadicola tersimpan mereput dalam stor-stor JPV negeri-negeri. Berikanlah kepada penternak, bukan untuk disimpan," katanya.

Beliau melahirkan rasa sedih sekian lama isu itu berlarutan, tidak pernah ketua pengarah atau pengarah JPV Perak turun padang berjumpa pihaknya.

"Saya rasa JPV memperdaya dengan mengubah-ubah peraturan. Penternak mesti akur dengan mutu perkhidmatan atau sebarang bantuan yang disediakan - jika diberi ambil, jika tidak diam," katanya di sini semalam.

Beliau bagaimanapun sedar ada ramai pegawai bersikap bertanggungjawab untuk membantu penternak, namun terpaksa akur dengan budaya penafian yang terpatuh kukuh di kementerian.

Beliau berkata, akibat tidak mengambil tahu keadaan sebenar di lapangan dengan berkesan oleh kementerian terlibat, ia menjadi punca Malaysia tidak maju dalam bidang pertanian walaupun memperoleh peruntukan berbilion ringgit.